

**Bosna i Hercegovina**  
**Federacija Bosne i Hercegovine**  
**Zeničko-dobojski kanton**  
**OPĆINA VAREŠ**  
**OPĆINSKO VIJEĆE**



**Broj: 01-237/11**  
**Vareš, 28.12. 2011. godine**

**Z A P I S N I K**  
**s 33. sjednice Općinskog vijeća Vareš,**  
**održane 30.11. 2011. godine**

Josip Malbašić – predsjedavajući Općinskog vijeća Vareš, otvorio je 33. sjednicu s početkom u 9,00 sati, u velikoj sali Općine Vareš.

Izvršena je prozivka vijećnika.

**Prisutni vijećnici:** Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Ešref Likić, Ivan Lučić, Josip Malbašić, Željko Matić, Mario Mirčić, Majda Muftić, Nihad Parić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

**Odsutni: Nema**

Pored vijećnika sjednici prisustvuju: Općinski načelnik Hamdo Fatić, sekretar Općinskog vijeća Leon Pavlović, pomoćnici općinskog načelnika, šef Odsjeka za finansije Boro Anđić, zamjenica općinskog pravobranioca Elma Brčić, predsjednici političkih stranaka, ispred JKP d.o.o. Vareš direktor Zafer Kamenjaš, predsjednica NO Edina Hafizović, predsjednik Skupštine Grga Vukančić i predsjednik MZ Vareš Enver Fetišević.

Sekretar Općinskog vijeća izvijestio je Vijeće o realizaciji Zaključaka s 32. sjednice OV održane 27.10.2011. godine i dostavljenim odgovorima na vijećnička pitanja. Općinsko vijeće na 32. sjednici donijelo je 12 Zaključaka. Od tog broja 10 Zaključaka je realizovano, a 2 Zaključka su u toku realizacije i koji se trebaju provesti do kraja tekuće godine. Na 32. sjednici OV postavljeno je 13 vijećničkih pitanja, na 12 pitanja nadležne službe su u pisanoj formi dostavile odgovore podnosiocima pitanja ili je dat usmeni odgovor na samoj sjednici, a na 1 postavljeno vijećničko pitanje Služba nije dobila nikakav odgovor. Sekretar OV sugerisao je vijećnicima da pored usmeno postavljenih vijećničkih pitanja mogu koristiti i obrasce koji se nalaze kod referenta za poslove OV i ON, da mogu postaviti i pismenim putem pitanja ukoliko ih imaju u toku sjednice.

Općinski načelnik Hamdo Fatić u okviru aktuelne problematike na području općine Vareš podsjetio je Vijeće o obustavi radova na dva projekta (regionalni put Šimin potok-Ivančevo i na asfaltiranju ulica). Razlog su vremenske prilike, a vjerovatno i finansije. Nastavak radova počinje kad vremenske prilike dozvole, odnosno na proljeće iduće godine. Informisao je Vijeće da su nedavno potpisana dva ugovora sa povratnicima korisnicima obnove. Projekat ZP 10 je došao do realizacije, izabrani su korisnici i potpisani su ugovori. Projekat je „Ključ u ruke“, izvođač je izabran i očekuje se ubrzo potpisivanje ugovora. Drugi ugovor je potpisivanje sa korisnicima povratnicima u MZ Okruglica. To je projekat koji se odnosi na dostavu građevinskog materijala na lice mjesta. Izabran je dobavljač. Nastojat će se da se tim ljudima, preko nadležnih ministarstava pomogne na proljeće, da dobiju još neka sredstva da lakše obnove kuće, obzirom na specifičnu situaciju u MZ Okruglica.

*( V i j e ć n i č k a   p i t a n j a )*

**Elvir Rožajac**

1. Zašto se uredno ne posipaju putevi u planinskim dijelovima naše općine (od Studenca do Vučijeg kamena)?
2. Što je sa onim što se trebalo ispoštovati, da se višak Zubetskog vrele- vode izbacuje na vodovod Studenac da bi se uredno snabdijevali vodom stanovnici Zubeta? (napominje da je 250 stanovnika Zubeta bez vode)

**Tajiba Brkić**

3. U ime građana MZ Vareš Majdan postavila pitanje - Zašto nema javne rasvjete u ul. Ljevarska prema naselju?
4. Da li se može izvući posipni materijal na kritična mjesta na lokalnim putevima općine Vareš, da se ne bi dešavali problemi u prevozu?

**Ismet Abdulahović**

5. Kada će se početi slaviti praznici, bar oni koji zaslužuju da se slave (Dan državnosti i Dan nezavisnosti BiH)?
6. Zašto MZ Dabravine nije dobila sredstva koja su planirana u budžetu općine Vareš za 2011. godinu?

**Jelena Zlobec**

7. Traži od Općinskog načelnika pismeni odgovor – Gdje su novčana sredstva koja su doznačena za Radnički dom (oko 80.000 KM) od Hrvatske vlade?

**Mario Mirčić**

8. Zašto nije urađena vertikalna signalizacija na raskrižju u Tisovcima, postavljanje ogledala i prometnog znaka sa prioritonom puta-prolaza?
9. Je li urađena projektna dokumentacija za javnu rasvjetu u naseljima Kolonija i Pržići za MZ Pržići?

**Džemo Kevrić**

10. Zašto se u protekli mjesec dana nije ništa uradilo na sanaciji dijela puta Striježovo Kokošćići?
11. Traži od Općinskog načelnika da se izvuče posipni materijal na kritična mjesta na lokalnim putevima?

**Mato Pavić**

12. Koliko još Božića treba proći pa da ljudi iz gornjeg dijela Vareša i Selišta dobiju gradsku rasvjetu i da je imaju na vrijeme?

13. Što se iz ove kuće (Općine Vareš) poduzelo za neadekvatno zimsko održavanje regionalnih i lokalnih puteva u općini Vareš?

### **Majda Muftić**

14. Traži od Općinskog načelnika da objasni u čemu je bio problem u vezi održavanja-posipanja cesta u općini Vareš?

Općinski načelnik dao je usmene odgovore na postavljena vijećnička pitanja:

1. Vodovod Zubeta – razlog je suša, dugi razlog je taj što projekat koji se odnosi na kupovinu pumpe za Mačak i Zubeta (sredstava vodnih naknada) nije još odobren od strane Vlade. Zahtjev je upućen davno i čeka se odgovor. Uz prijedlog za Mačak i Zubeta, upućen je i prijedlog za Kadariće (dvije faze cjevovodi i rezervoari). Ne zna se kad će problem biti riješen i napominje da će se voda dostavljati na Zubeta i Kadariće sve dok se ne realizuju navedeni projekti.

2. U vezi zimskog održavanja – Potpisan je Ugovor sa JKP d.o.o. Vareš. Problem je taj što je JKP d.o.o. kupilo materijal. Naglasio je da će ponovo i pismeno naložiti JKP d.o.o. Vareš da se posipni materijal mora izvući tamo gdje postoji potreba za to. Nastojat će da se problemi riješe i da se više ne dešavaju ovakvi problemi.

3. Sredstva od Radničkog doma oko 80.000 KM (od Hrvatske vlade) utrošena su za radove na šalter-sali Općine Vareš. Općina Vareš je u obavezi da kad obezbijedi sredstva, i da dijelom sredstava učestvuje u rješavanju ostalih problema u Radničkom domu ( kotlovnica, unutrašnji radovi i namještaj).

4. Rasvjeta u gornjem dijelu grada – Napominje da nije bio upoznat da postoji problem, da se rasvjeta gasi ranije. Obećao je da će se problem riješiti.

5. Projekat za MZ Pržići – Nalog za izradu projektne dokumentacije je dat. Napominje da su prikupljene i ponude za Selište, Ligatiće i za Zarude – Strica (projekat vrijedan 15.000 KM). Kad se obezbijede sredstva problem će biti riješen.

5. Za problem javne rasvjete u Vareš Majdanu nije znao, nedavno je bila rekonstrukcija glavne mreže i dijela u Vareš Majdanu.

6. Budžetska sredstva za MZ Dabravine – Provjerit će da li su sredstva uplaćena.

7. U vezi odvoza posipnog materijala na kritična mjesta – dat je nalog JKP d.o.o. Vareš da se par kamiona sa posipnim materijalom izvuče na kritična mjesta. Provjerit će šta je urađeno. Naglašava da će sa Nadzornim organom raditi onako kako Zakon nalaže.

8. U vezi obilježavanja državnih praznika – Traži da se u vezi ovoga pitanja dogovori i da nije teško to sve uraditi.. Napominje da je za Dan državnosti BiH 25. novembar položeno cvijeće na spomen-kosturnicu ispred Osnovne škole u Varešu, na šehidsko greblje na Glavici i na spomenik ispred katoličke crkve u Varešu.

Predsjedavajući OV stavio je na raspravu zapisnik sa 32. sjednice OV .

Nije bilo primjedbi i predsjedavajući OV stavio je na izjašnjavanje zapisnik sa 32. sjednice OV i nakon izjašnjavanja vijećnika konstatovao da je **zapisnik sa 32. sjednice OV jednoglasno usvojen.**

Na raspravu je stavljen prijedlog dnevnog reda iz poziva za 33. sjednicu OV.

Nije bilo primjedbi niti prijedloga za izmjenu ili dopunu dnevnog reda 33. sjednice OV.

Predsjedavajući OV stavio je na izjašnjavanje prijedlog dnevnog reda iz poziva za 33. sjednicu OV i nakon izjašnjavanja konstatuje da je **jednoglasno usvojen slijedeći**

### *Dnevni red*

1. **Nacrt budžeta/proračuna Općine Vareš za 2012. godinu.**
2. **Nacrt Odluke o izvršenju Budžeta/Proračuna Općine Vareš za 2012. godinu.**
3. **Nacrt Budžetski/Proračunski kalendar za izradu i donošenje Budžeta/Proračuna za 2013. godinu i Dokumenta okvirnog budžeta/proračuna za period 2013.-2015. godine.**
4. **Nacrt Odluke o izmjenama i dopunama Odluke o utvrđivanju standarda i kriterija za konačna imenovanja na pozicije u regulirane organe.**
5. **Prijedlog Odluke o vrijednosti boda komunalne naknade za 2012. godinu.**
6. **Prijedlog Odluke o subvencioniranju plaćanja komunalnih usluga.**
7. **Prijedlog Odluke o utvrđivanju kriterija i uvjeta za subvenciju troškova usluga JPU „Dječije obdanište“ Vareš.**
8. **Nacrt Odluke o utvrđivanju Dana općine Vareš.**
9. **Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta od 2011. do 2015. godine.**
10. **Prijedlog Zaključka Općinskog vijeća Vareš, po zahtjevu BEŠLIJA REFIKA iz Dabravina, općina Vareš u vezi dodjele zemljišta za izgradnju garaže.**
11. **Prijedlog Rješenja o prenosu prava raspolaganja na Općinu Vareš na nekretninama „Stanica narodne milicije“ u Donja Vijaka, općina Vareš.**
12. **Prijedlog Zaključka o odobravanju zaključivanja ugovora o kupovini poslovnog prostora.**
13. **Inicijativa za donošenje Odluke o utvrđivanju cijena komunalnih usluga i visine naknade za priključno mjesto.**
14. **Informacija o provođenju kadrovske politike u organima Općine Vareš i pravnim subjektima čiji je osnivač Općina Vareš, s akcentom na konstitutivne narode BiH po popisu iz 1991. godine.**
15. **Informacija o postignutom uspjehu u učenju i vladanju u školskoj 2010/2011. godini u osnovnim školama „Vareš“ i „Vareš Majdan“ i MSS „Nordbat 2“ Vareš.**
16. **Informacija o aktivnostima u poljoprivrednoj proizvodnji u 2011. godini.**
17. **Informacija o stanju napajanja električnom energijom na području općine Vareš i mjerama na poboljšanju iste.**
18. **Tekuća pitanja.**

## Ad. 1.

(Nacrt budžeta/proračuna  
Općine Vareš za 2012. godinu.)

Komisija za statutarna pitanja i propise, na sjednici održanoj 21.11.2011. godine, jednoglasno je donijela Zaključak :

- **Komisija za statutarna pitanja i propise nema primjedbi na Nacrt budžeta/proračuna Općine Vareš za 2012. godinu.**

Komisija za privredu, finansije i budžet, na sjednici održanoj 28.11.2011. godine, jednoglasno je donijela Zaključak:

1. **Prihvata se Nacrt budžeta/proračuna Općine Vareš za 2012. godinu, uz sugestiju Komisije da ovlaštenu predlagач kod izrade Prijedloga uzme u razmatranje mišljenja i sugestije koje su date u toku rasprave od strane članova Komisije i da se tehničko-pravne greške otklone u tekstu Nacrta budžeta/proračuna.**
2. **Komisija sugeriše Općinskom načelniku i Općinskom vijeću da se što prije pristupi izradi Dokumenta odnosno Programa saniranja budžeta/proračuna Općine Vareš.**

Predlagач Općinski načelnik dao je kratko objašnjenje za ovu tačku dnevnog reda, iznio planove u vezi sanacije budžeta/proračuna i pozvao sve one koji imaju prijedloge i primjedbe na Nacrt budžeta/proračuna, da ih iznesu na današnjoj sjednici ili na javnoj raspravi.

Ispred predlagача Boro Anđić šef Odsjeka za finansije upoznao je Vijeće sa tehničkim greškama u Nacrtu budžeta/proračuna Općine Vareš za 2012. godinu i dao je objašnjenje za ovu tačku dnevnog reda.

Otvorena je rasprava u kojoj su svoje primjedbe, prijedloge, sugestije i mišljenja iznijeli vijećnici: Elvir Rožajac, Ivan Lučić i Džemo Kevrić.

Zaključena je rasprava i predsjedavajući OV predložio je prijedlog Zaključka:

- U skladu sa članom 100., 110. i 111. Poslovnika o radu OV Vareš:
  - a) Utvrđuje se Nacrt proračuna/budžeta Općine Vareš za 2012. godinu.
  - b) Nacrt proračuna/budžeta Općine Vareš za 2012. godinu stavlja se na javnu raspravu koja će se sprovesti u roku od 30 dana od dana utvrđivanja Nacrta.
  - c) Zadužuje se općinski načelnik i nadležna Služba za provođenje javne rasprave. Javnu raspravu sprovesti u skladu sa aktima Vijeća. Općinski načelnik će po završetku javne rasprave, dostaviti Vijeću na razmatranje Prijedlog proračuna /budžeta Općine Vareš za 2012. godinu, vodeći računa o prijedlozima, mišljenjima i sugestijama iznesenim na 33. sjednici OV i u toku javne rasprave. O sprovedenoj raspravi sačiniti Izvještaj i dostaviti ga Vijeću na razmatranje.

Prijedlog Zaključka stavljen je na raspravu u kojoj su svoje primjedbe, prijedloge i mišljenja iznijeli : vijećnik Džemo Kevrić, predsjedavajući OV i predlagач Općinski načelnik koji se izjasnio da će se javna rasprava sprovesti u roku od 15 dana od dana utvrđivanja Nacrta budžeta/proračuna Općine Vareš za 2012. godinu.

Predsjedavajući OV stavio je na izjašnjavanje Nacrt budžeta/proračuna Općine Vareš za 2012. godinu i slijedeći:

### Zaključak

- U skladu sa članom 100., 110. i 111. Poslovnika o radu OV Vareš:
  - a) Utvrđuje se Nacrt proračuna/budžeta Općine Vareš za 2012. godinu.

b) **Nacrt proračuna/budžeta Općine Vareš za 2012. godinu stavlja se na javnu raspravu koja će se sprovesti u roku od 15 dana od dana utvrđivanja Nacrta.**

c) **Zadužuje se općinski načelnik i nadležna Služba za provođenje javne rasprave. Javnu raspravu sprovesti u skladu sa aktima Vijeća. Općinski načelnik će po završetku javne rasprave, dostaviti Vijeću na razmatranje Prijedlog proračuna /budžeta Općine Vareš za 2012. godinu, vodeći računa o prijedlozima, mišljenjima i sugestijama iznesenim na 33. sjednici OV i u toku javne rasprave. O sprovedenoj raspravi sačiniti Izvještaj i dostaviti ga Vijeću na razmatranje.**

Nakon izjašnjavanja vijećnika, predsjedavajući OV je konstatovao da je sa **14 glasova „ZA“, 1 glasom „PROTIV“ i 6 „SUZDRŽANIH“ glasova usvojen Zaključak i**

*Nacrt budžeta/proračuna  
Općine Vareš za 2012. godinu.*

**Ad. 2.**

*(Nacrt Odluke o izvršenju  
budžeta/proračuna Općine Vareš za 2012. godinu.)*

Komisija za statutarna pitanja i propise, na sjednici održanoj 21.11. 2011. godine, jednoglasno je donijela je Zaključak:

- **Komisija za statutarna pitanja i propise nema primjedbi na Nacrt Odluke o izvršenju budžeta/proračuna Općine Vareš za 2012. godinu.**

Komisija za privredu, finansije i budžet, na sjednici održanoj 28.11.2011. godine, jednoglasno je donijela Zaključak:

- **Komisija nema primjedbi na Nacrt Odluke o izvršenju budžeta/proračuna Općine Vareš za 2012. godinu i konstatuje da je ponuđeni akt dosta kvalitetno, opširno i sveobuhvatno urađen čime su učinjeni pozitivni pomaci u izradi budžetskih/proračunskih akata u odnosu na ovakve akte prethodnih godina.**

Predlagač nije imao potrebe za dodatnim obrazloženjem.

Otvorena je rasprava u kojoj su svoje primjedbe, prijedloge i mišljenja iznijeli vijećnici: Elvir Rožajac, Ivan Lučić, Džemo Kevrić i ispred predlagača pomoćnik načelnika Zihinja Krnjić koji je dao odgovore na neka postavljena pitanja vijećnika u raspravi.

Zaključena je rasprava i predsjedavajući OV predložio je slijedeći

**Zaključak:**

- **U skladu sa članom 100., 110. i 111. Poslovnika o radu OV Vareš:**

a) **Utvrđuje se Nacrt Odluke o izvršenju proračuna/budžeta Općine Vareš za 2012. godinu.**

b) **Nacrt Odluke o izvršenju proračuna/budžeta Općine Vareš za 2012. godinu stavlja se na javnu raspravu koja će se sprovesti u roku od 15 dana od dana utvrđivanja Nacrta.**

c) **Zadužuje se općinski načelnik i nadležna Služba za provođenje javne rasprave. Javnu raspravu sprovesti u skladu sa aktima Vijeća. Općinski načelnik će po završetku javne rasprave, dostaviti Vijeću na razmatranje Prijedlog Odluke o izvršenju proračuna/budžeta Općine Vareš za 2012. godinu, vodeći računa o prijedlozima, mišljenjima i sugestijama iznesenim na 33. sjednici OV i u toku javne rasprave. O sprovedenoj raspravi sačiniti Izvještaj i dostaviti ga Vijeću na razmatranje.**

Nije bilo primjedbi na predloženi Zaključak i predsjedavajući OV stavio je na izjašnjavanje Nacrt Odluke o izvršenju budžeta/proračuna Općine Vareš za 2012. godinu i predloženi Zaključak.

Nakon izjašnjavanja vijećnika predsjedavajući OV je konstatovao da je sa **14 glasova „ZA“ i 7 „SUZDRŽANIH“ glasa usvojen Zaključak i**

*Nacrt Odluke o izvršenju  
budžeta/proračuna Općine Vareš za 2012. godinu.*

**Ad. 3.**

*(Nacrt Budžetski/Proračunski kalendar za izradu i  
donošenje Budžeta/Proračuna za 2013. godinu i  
Dokumenta okvirnog budžeta/proračuna za period 2013.-2015. godine.)*

Komisija za privredu, finansije i budžet, na sjednici održanoj 28.11.2011. godine, jednoglasno je donijela Zaključak:

- **Prihvata se bez primjedbi Nacrt Budžetski/Proračunski kalendar za izradu i donošenje Budžeta/Proračuna za 2013. godinu i Dokumenta okvirnog budžeta/proračuna za period 2013.-2015. godine.**

Ispred predlagača Zihinja Krnjić dao je kratko obrazloženje za ovu tačku dnevnog reda i upoznao je Vijeće sa tehničkom greškom u tekstu Nacrta.

Otvorena je rasprava u kojoj su učestvovali: vijećnik Ivan Lučić koji je tražio pojašnjenje za Dokument okvirnog budžeta/proračuna za period 2013.-2015. godine, a u vezi navedenog perioda i Zihinja Krnjić ispred predlagača koji je dao dodatno pojašnjenje na traženje vijećnika Ivana Lučića..

Zaključena je rasprava i predsjedavajući OV predložio je slijedeći

**Zaključak:**

- **Predloženi dokument Budžetski/Proračunski kalendar za izradu i donošenje Budžeta/Proračuna za 2013. godinu i Dokumenta okvirnog budžeta/proračuna za period 2013.-2015. godine, predstavlja dobru osnovu za izradu Prijedloga tih dokumenata i kao takve, predlaže se Vijeću da ih usvoji.**

Predsjedavajući OV stavio je na izjašnjavanje Nacrt Budžetski/Proračunski kalendar za izradu i donošenje Budžeta/Proračuna za 2013. godinu i Dokumenta okvirnog budžeta/proračuna za period 2013.-2015. godine i predloženi Zaključak.

Nakon izjašnjavanja vijećnika predsjedavajući OV je konstatovao da je sa **14 glasova «ZA» i 7 „SUZDRŽANIH“ glasa usvojen Zaključak i**

*Nacrt Budžetski/Proračunski kalendar za izradu i  
donošenje Budžeta/Proračuna za 2013. godinu i  
Dokumenta okvirnog budžeta/proračuna za period 2013.-2015. godine.*

**Ad. 4.**

*(Nacrt Odluke o izmjenama i dopunama  
Odluke o utvrđivanju standarda i kriterija za  
konačna imenovanja na pozicije u regulirane organe.)*

Komisija za statutarna pitanja i propise na sjednici održanoj 21.11.2011. godine, jednoglasno je donijela Zaključak :

- **Komisija za statutarna pitanja i propise nema primjedbi na Prijedlog Odluke o izmjenama i dopunama Odluke o utvrđivanju standarda i kriterija za konačna imenovanja na pozicije u regulirane organe, s tim da se o Odluci na sjednici Vijeća raspravlja u formi Nacrta.**

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Nacrt Odluke o izmjenama o dopunama Odluke o utvrđivanju standarda i kriterija za konačna imenovanja na pozicije u regulirane organe.

Nakon izjašnjavanja vijećnika, predsjedavajući konstatuje da je sa **21 glas „ZA“ usvojen**

***Nacrt Odluke o izmjenama i dopunama Odluke  
o utvrđivanju standarda i kriterija za konačna  
imenovanja na pozicije u regulirane organe.***

**Ad. 5.**

*(Prijedlog Odluke o vrijednosti boda  
komunalne naknade za 2012. godinu.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj je učestvovala vijećnica Dženana Bešić koja je iznijela stav i mišljenje Kluba SDA i zatražila od predlagača da odgovori da li će moći isposlovati sve obaveze iz Programa finansiranja komunalnih djelatnosti sa smanjenjem vrijednosti boda komunalne naknade.

Predsjedavajući OV, na traženje Općinskog načelnika, dao je pauzu od 5 minuta.

Ispred predlagača Ermin Musa odgovorio je na postavljeno pitanje vijećnice Dženane Bešić, da će se po procjenama i na osnovu godišnje izdatih rješenja za plaćanje komunalne naknade, moći realizovati Programa finansiranja komunalnih djelatnosti.

Zaključena je rasprava i predsjedavajući OV stavio je na izjašnjavanje Prijedlog Odluke o vrijednosti boda komunalne naknade za 2012. godinu.

Nakon izjašnjavanja vijećnika predsjedavajući OV je konstatovao da je **sa 19 glasova «ZA» i 2 «SUZDRŽANA» glasova usvojena**

***Odluka o vrijednosti boda  
komunalne naknade za 2012. godinu.***

**Ad. 6.**

*(Prijedlog Odluke o subvencioniranju  
plaćanja komunalnih usluga.)*

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o subvencioniranju plaćanja komunalnih usluga.

Nakon izjašnjavanja vijećnika predsjedavajući OV je konstatovao da je **sa 20 glasova «ZA» i 1 „SUZDRŽANIM“ glasom usvojena**

***Odluka o subvencioniranju  
plaćanja komunalnih usluga.***



#### **Ad. 7.**

*(Prijedlog Odluke o utvrđivanju kriterija i uvjeta za subvenciju troškova usluga JPU „Dječije obdanište“ Vareš.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj je svoje mišljenje iznijela vijećnica Dženana Bešić.

Predsjedavajući OV stavio je na izjašnjanje Prijedlog Odluke o utvrđivanju kriterija i uvjeta za subvenciju troškova usluga JPU „Dječije obdanište“ Vareš.

Nakon izjašnjanja vijećnika predsjedavajući OV je konstatovao da je **sa 21 glas «ZA» usvojena**

***Odluka o utvrđivanju kriterija i uvjeta za subvenciju troškova usluga JPU „Dječije obdanište“ Vareš.***

#### **Ad. 8.**

*(Nacrt Odluke o utvrđivanju Dana općine Vareš.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su prijedloge, primjedbe i mišljenja iznijeli vijećnici: Dženana Bešić i Džemo Kevrić.

Zaključena je rasprava i predsjedavajući OV stavio je na izjašnjanje Nacrt Odluke o utvrđivanju Dana općine Vareš.

Nakon izjašnjanja vijećnika predsjedavajući OV je konstatovao da je **sa 15 glasova „ZA“ i 6 glasova „PROTIV“ usvojen**

***Nacrt Odluke o utvrđivanju Dana općine Vareš.***

Predsjedavajući OV predložio je slijedeći

#### **Zaključak:**

- **Nacrt Odluke o utvrđivanju Dana općine Vareš upućuje se na javnu raspravu u trajanju od mjesec dana.**

Nakon izjašnjanja vijećnika predsjedavajući OV je konstatovao da je **sa 15 glasova „ZA“ i 6 glasova „PROTIV“ usvojen predloženi Zaključak.**

#### **Ad. 9.**

*(Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta od 2011.do 2015. godine.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje primjedbe, prijedloge i sugestije iznijeli vijećnici: Ivan Lučić, Elvir Rožajac, Tajiba Brkić i pomoćnik načelnika Ermin Musa.

Vijećnik Ivan Lučić ispred Kluba vijećnika SDP predložio je slijedeće Zaključke:

1. Da nadležna Služba pripremi za januarsku sjednicu dokument Godišnji programa održavanja lokalnih puteva i ulica u gradu.

2. Da se donese dokument Program rekonstrukcije u kome će se posvetiti pažnja i na nekategorisane puteve i ulaganja u njih.

Zaključena je rasprava i predsjedavajući OV stavio je na izjašnjavanje Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta od 2011.do 2015. godine.

Nakon izjašnjavanja vijećnika predsjedavajući OV je konstatovao da je sa **20 glasova „ZA“ i 1 „SUZDRŽANIM“ glasom usvojen**

***Zaključak o davanju saglasnosti na Program  
rekonstrukcije, izgradnje i obnove  
lokalnih cesta od 2011. do 2015. godine.***

Predsjedavajući OV predložio je slijedeće Zaključke:

Prijedlog vijećnika Ivana Lučića

1. Da se u skladu sa zakonskim obavezama uradi dokument Jednogodišnji Program rekonstrukcije, izgradnje i obnove lokalnih cesta .

Predsjedavajući OV predložio je dopunu ovog Zaključka, a koja se odnosi i na izradu dokumenta Jednogodišnjeg Programa i za nekategorisane ceste.

2. Da se uradi Program rekonstrukcije za period 2011. do 2015. godine i za nekategorisane puteve.

Otvorena je rasprava o predloženim Zaključcima u kojoj su svoje primjedbe, prijedloge i mišljenja iznijeli ispred predlagača Ermin Musa i predsjedavajući OV.

Na osnovu sprovedene diskusije u raspravi i izjašnjavanja predstavnika predlagača, predsjedavajući OV predložio je slijedeće

**Zaključke:**

1. **Obavezuje se Općinski načelnik i nadležna Služba da u skladu sa Zakonom izradi dokument Jednogodišnji Program rekonstrukcije, izgradnje i obnove za lokalne ceste.**
2. **Obavezuje se Općinski načelnik i nadležna Služba da za sjednicu OV, koja će se održati u martu mjesecu 2012. godine, pripreme dokumente Jednogodišnji Program i Program rekonstrukcije, izgradnje i obnove nekategorisanih puteva za period od 2011. do 2015. godine.**

Nakon izjašnjavanja vijećnika, predsjedavajući OV je konstatovao da su sa **20 glasova «ZA» i 1 „SUZDRŽANIM“ glasom usvojeni predloženi Zaključci.**

**Ad.10.**

*(Prijedlog Zaključka Općinskog vijeća Vareš,  
po zahtjevu BEŠLIJA REFIKA iz Dabravina,  
općina Vareš u vezi dodjele zemljišta za izgradnju garaže.)*

Predlagač nije imao dodatno obrazloženje za ovu tačku dnevnog reda,

Otvorena je rasprava u kojoj su svoje primjedbe, prijedloge i mišljenja iznijeli vijećnici: Jasmin Salketić i Ismet Abdulahović.

Zaključena je rasprava i predsjedavajući OV stavio je na izjašnjavanje Prijedlog Zaključka Općinskog vijeća Vareš, po zahtjevu Bešlija Refika iz Dabravina, općina Vareš u vezi dodjele zemljišta za izgradnju garaže.

Nakon izjašnjavanja vijećnika predsjedavajući OV je konstatovao da je sa **19 glasova „ZA“**, **1 glasom „PROTIV“** i **1 „SUZDRŽANIM“ glasom usvojen**

***Zaključak Općinskog vijeća Vareš, po  
Zahjevu BEŠLIJA REFIKA iz Dabravina,  
Općina Vareš u vezi dodjele zemljišta za izgradnju garaže.***

**Ad.11.**

*(Prijedlog Rješenja o prenosu prava raspolaganja  
na Općinu Vareš na nekretninama  
„Stanica narodne milicije“ u Donja Vijaka, općina Vareš.)*

Predlagač nije imao dodatno obrazloženje za ovu tačku dnevnog reda,

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o prenosu prava raspolaganja na Općinu Vareš na nekretninama „Stanica narodne milicije“ u Donja Vijaka, općina Vareš.

Nakon izjašnjavanja vijećnika predsjedavajući OV je konstatovao da je sa **21 glas „ZA“ usvojeno**

***Rješenje o prenosu prava raspolaganja  
na Općinu Vareš na nekretninama  
„Stanica narodne milicije“ u Donja Vijaka, općina Vareš.***

**Ad. 12.**

*(Prijedlog Zaključka o odobravanju zaključivanja  
ugovora o kupovini poslovnog prostora.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su prijedloge, primjedbe i mišljenja iznijeli vijećnici: Dženana Bešić, Elvir Rožajac, Mato Pavić, Ivan Lučić, Jelena Zlobec, Kenan Kamenjaš, Džemo Kevrić, Nihad Parić, Jasmin Salketić, predsjedavajući OV i Općinski načelnik koji je na traženje Kluba SDA dao obrazloženje za ovu tačku dnevnog reda i odgovorio na neka pitanja vijećnika postavljena u toku rasprave.

Zaključena je rasprava i predsjedavajući OV stavio je na izjašnjavanje Prijedlog Zaključka o odobravanju zaključivanja ugovora o kupovini poslovnog prostora.

Nakon izjašnjavanja vijećnika predsjedavajući OV je konstatovao da je sa **21 glas „ZA“ usvojen**

***Zaključak o odobravanju zaključivanja  
ugovora o kupovini poslovnog prostora.***

**Ad. 13.**

*(Inicijativa za donošenje Odluke o utvrđivanju cijena  
komunalnih usluga i visine naknade za priključno mjesto.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su prijedloge, primjedbe, sugestije i mišljenja iznijeli vijećnici: Džemo Kevrić, Elvir Rožajac, Mato Pavić, Jelena Zlobec, Dženana Bešić, Milan Knežević, Ismet Abdulahović, Kenan Kamenjaš, Mario Mirčić, Nihad Parić, Jasmin Salketić, Ivan Lučić, Tajiba Brkić, predsjedavajući OV, Općinski načelnik, ispred JKP d.o.o. Vareš predsjednik Skupštine Grga Vukančić, predsjednica NO Edina Hafizović i direktor Zafer Kamenjaš koji je dao dodatno obrazloženje za ovu tačku dnevnog reda.

Općinski načelnik predložio je da se da se odgodi rasprava po ovoj tački dnevnog reda i da se u narednih 10 dana održi sastanak sa menadžmentom JKP d.o.o. Vareš i Izvršnom vlašću zajedno sa predstavnicima Vijeća i da se riješi problem, i da se na kraju izađe sa čistim i jasnijim činjenicama pred Vijeće i građane općine Vareš.

Direktor JKP d.o.o. Vareš predložio je da se ova tačka ne povlači za narednu sjednicu OV, ali da se u međuvremenu formira Komisija koja bi utvrdila sve činjenice u vezi nedoumica koje su iznesene u raspravi i provjerile činjenice navedene u predloženoj Inicijativi.

Predsjedavajući OV pozvao je Općinskog načelnika da se izjasni o sastavu članova komisije koji bi trebali biti prisutni na sastanku.

Općinski načelnik predložio je sastav komisije i to: predsjedavajući OV, zamjenik predsjedavajućeg OV, Kolegij OV, Nadzorni odbor i predsjednik Skupštine JKP d.o.o. Vareš, Općinski načelnik, pomoćnik načelnika za privredu i finansije, pomoćnik načelnika za prostorno uređenje i obnovu. Sastanak održati u narednih 10 dana i na narednu sjednicu izaći sa konkretnim stavovima.

Zaključena je rasprava i predsjedavajući OV na osnovu rezimea rasprave predložio je slijedeći  
**Zaključak:**

**- Na osnovu sprovedene rasprave, Vijeće odgađa izjašnjavanje za narednu sjednicu o Inicijativi za donošenje odluke o utvrđivanju cijena komunalnih usluga i visine naknade za priključno mjesto. Obavezuje se Općinski načelnik da, najkasnije u roku od 10 dana, sazove sastanak na kojem će biti prisutni: Općinski načelnik, pomoćnik načelnika za privredu i finansije, pomoćnik načelnika za prostorno uređenje i obnovu, članovi Kolegija OV Vareš, te menadžment, predsjednik Skupštine i predsjednik NO JKP d.o.o. Vareš.**

Vijećnica Dženana Bešić predložila je da u sastavu komisije ne budu članovi Kolegija OV nego predsjednici političkih partija, a ukoliko predsjednik partije smatra da ga može zamijeniti član Kolegija da onda i bude tako.

Predsjedavajući OV izjasnio se da je ovo posao o kome Vijeće donosi odluku, a političke stranke imaju mogućnost indirektnog uticaja putem članova Kolegija OV.

Predsjedavajući OV stavio je na izjašnjavanje predloženi Zaključak, te nakon izjašnjavanja konstatuje da sa **9 glasova „ZA“, 4 glasa „PROTIV“ i 6 „SUZDRŽANIH“ glasova“ predloženi Zaključak nije usvojen.**

Predsjedavajući OV na prijedlog Kluba vijećnika SDP dao je pauzu u trajanju od 5 minuta.

Direktor JKP d.o.o. Vareš Zafer Kamenjaš izjasnio se da povlači sa dnevnog reda današnje sjednice Inicijativu za donošenje Odluke o utvrđivanju cijena komunalnih usluga i visine naknade za priključno mjesto i da prihvata prijedlog Općinskog načelnika u vezi održavanja sastanka.

Predsjedavajući OV je konstatovao da je ovlašteni predlagač povukao sa dnevnog reda današnje sjednice Inicijativu, te da se Vijeće nema o čemu izjašnjavati.

Predsjedavajući OV dao je pauzu u trajanju od 30 minuta.

#### **Ad. 14.**

*(Informacija o provođenju kadrovske politike u organima Općine Vareš i pravnim subjektima čiji je osnivač Općina Vareš, s akcentom na konstitutivne narode BiH po popisu iz 1991. godine.)*

Otvorena je rasprava u kojoj su prijedloge, primjedbe i mišljenja iznijeli vijećnici: Elvir Rožajac i Mato Pavić.

Zaključena je rasprava i predsjedavajući OV predložio je Vijeću da primi k znanju Informaciju o provođenju kadrovske politike u organima Općine Vareš i pravnim subjektima čiji je osnivač Općina Vareš s akcentom na konstitutivne narode po popisu iz 1991. godine.

Nakon izjašnjavanja vijećnika predsjedavajući OV konstatuje da je sa **17 glasova „ZA“ i 3 „SUZDRŽANA“ glasa primljena k znanju**

***Informacija o provođenju kadrovske politike u Općini Vareš i pravnim subjektima čiji je osnivač Općina Vareš, s akcentom na konstitutivne narode po popisu iz 1991. godine.***

#### **Ad. 15.**

*(Informacija o postignutom uspjehu u učenju i vladanju u školskoj 2010/2011. godini u osnovnim školama „Vareš“ i „Vareš Majdan“ i MSS „Nordbat 2“ Vareš.)*

Nije bilo rasprave po ovoj tački dnevnog reda i predsjedavajući OV predložio je Vijeću da primi k znanju Informaciju o postignutom uspjehu u učenju i vladanju u školskoj 2010/2011. godini u osnovnim školama „Vareš“ i „Vareš Majdan“ i MSS „Nordbat 2“ Vareš.

Nakon izjašnjavanja vijećnika predsjedavajući OV konstatuje da je sa **20 glasova «ZA» primljena k znanju**

***Informacija o postignutom uspjehu u učenju i vladanju u školskoj 2010/2011. godini u osnovnim školama „Vareš“ i „Vareš Majdan“ i MSS „Nordbat 2“ Vareš.***

#### **Ad. 16.**

*(Informacija o aktivnostima u poljoprivrednoj proizvodnji u 2011. godini.)*

Nije bilo rasprave po ovoj tački dnevnog reda i predsjedavajući OV predložio je Vijeću da primi k znanju Informaciju o aktivnostima u poljoprivrednoj proizvodnji u 2011. godini.

Nakon izjašnjavanja vijećnika predsjedavajući OV konstatuje da je sa **19 glasova «ZA» i 1 „SUZDRŽANIM“ glasom primljena k znanju**

***Informacija o aktivnostima u poljoprivrednoj proizvodnji u 2011. godini.***

#### **Ad. 17.**

*(Informacija o stanju napajanja električnom energijom na području općine Vareš i mjerama na poboljšanju iste.)*

Otvorena je rasprava u kojoj su svoje primjedbe, prijedloge i mišljenja iznijeli vijećnici: Dženana Bešić, Elvir Rožajac, Nihad Parić, Ivan Lučić, Ismet Abdulahović, Nikola Šimić, Jasmin Salketić i Općinski načelnik koji je odgovorio na neka pitanja vijećnika postavljena u raspravi.

Zaključena je rasprava i predsjedavajući OV predložio je Vijeću da primi k znanju Informaciju o stanju napajanja električnom energijom na području općine Vareš i mjerama na poboljšanju iste uz predložene zaključke vijećnika Ivana Lučića dopunjene sa iznesenim problemima od strane vijećnika Ismeta Abdulahović i Nikole Šimić.

Nakon izjašnjavanja vijećnika predsjedavajući OV konstatuje da je **sa 20 glasova «ZA» primljena k znanju**

***Informacija o stanju napajanja električnom energijom  
na području općine Vareš i mjerama na poboljšanju iste.***

i usvojeni slijedeći

**Zaključci:**

- 1 Obavezuje se Općinski načelnik da se očituje prema JP „Elektrodistribucija“ Zenica i da ih upozna sa problemima u snabdijevanju i kvalitetu snabdijevanja sa električnom energijom na području MZ Striježevo i na području Zubeta i Ravne, općina Vareš, i da ih podsjeti na njihov odgovor od prije pola godine a u vezi problema plaćanja naknade za električnu energiju građana i subotom.**
- 2 Obavezuje se Općinski načelnik da zatraži očitovanje od strane JP „Elektrodistribucija“ Zenica u vezi rekonstrukcije niskonaponske mreže od MZ Dabravine prema naselju Luke i u vezi projekta elektrifikacije sela Kopjari, da li je u tom projektu predviđeno napajanje sa električnom energijom iz sela Ratnja preko Kopjara do MZ Dragovići, općina Vareš. O odgovoru JP „Elektrodistribucija“ Zenica, načelnik će upoznati Vijeće.**

**Ad. 18.**

*(Tekuća pitanja.)*

1. Predsjedavajući OV upoznao je prisutne da je Vijeću od strane građana ulice Selište u Varešu, upućen ponovljeni zahtjev za rješavanje problema ulične rasvjete. Podsjetio je da je na 30. sjednici OV, Općinski načelnik informisao Vijeće da će njihovo pitanje biti riješeno u toku 15 dana.  
Općinski načelnik obratio se Vijeću i izjasnio se da su potrebna novčana sredstva u iznosu od 15.000 KM i da će nastojati u narednih nekoliko dana riješiti problem ulične rasvjete na Selištu, općina Vareš.  
Vijećnik Ivan Lučić predložio je da donese odluka u skladu sa zakonom, da JKP d.o.o. Vareš, preuzme obavezu u vezi ulične rasvjete.  
Vijećnik Mato Pavić podsjetio je da na Selištu nema javne rasvjete.
2. Predsjedavajući OV upoznao je prisutne da je od strane mještana naselja Pruga MZ Dabravine, Vijeću upućen zahtjev za hitno rješavanje problema vodopsnabdijevanja. Zahtjev su uputili i Savjetu MZ Dabravine – Odbor za vodu MZ Dabravine, Kantonalnoj upravi za inspeksijske poslove i Kantonalnom vodnom inspektoratu.  
Otvorena je rasprava u kojoj je svoje mišljenje iznijela vijećnica Dženana Bešić.  
Predsjedavajući OV zaključio je raspravu i predložio slijedeći

**Zaključak:**

- Obavezuje se Općinski načelnik da pismeno obavijesti Savjet MZ Dabravine, općina Vareš, koja u ovom momentu upravlja tim vodovodom i da ih podsjeti na obaveze koje im nalaže Zakon o vodama.

Vijećnik Ismet Abdulahović javio se za riječ i izvijestio Vijeće da je Savjet MZ Dabravine dobio Zahtjev, ali da ga Savjet MZ Dabravine nije još razmatrao i dao je neka objašnjenja u vezi ovog problema.

U diskusiji su učestvovali predsjedavajući OV i vijećnici Kenan Kamenjaš i Jasmin Salketić koji je predložio dopunu predloženog zaključaka, a u vezi s tim da se sa Izvještajem kantonalnog inspektora, upozna i Vijeće.

Predsjedavajući OV, uz predloženu dopunu, stavio je na izjašnjanje slijedeći

#### **Zaključak:**

- **Obavezuje se Općinski načelnik da pismeno obavijesti Savjet MZ Dabravine, općina Vareš, koja u ovom momentu upravlja tim vodovodom i da ih podsjeti na obaveze koje im nalaže Zakon o vodama. Nakon dostavljanja Izvještaja od strane Kantonalnog vodnog inspektora, a u vezi problema vodosnabdijevanja mještana naselja Pruga MZ Dabravine, o istom upoznati Vijeće.**

Nakon izjašnjanja vijećnika predsjedavajući OV je konstatovao da je sa **20 glasova „ZA“ usvojen predloženi Zaključak.**

3. Vijećnica Dženana Bešić informisala je Vijeće da ju je, kao predsjednicu Etičke komisije OV, posjetio građanin općine Vareš Imamagić Dževad i razgovarao po predmetu njegove žalbe na postupak organa uprave općinske administracije, odnosno komunalnih inspektora od vremena podnošenja njegovog zahtjeva za rješavanje određenog spora od 2006. godine. O tome je dala i objašnjenje i iznijela svoje mišljenje.
4. Vijećnik Mato Pavić upoznao je Vijeće da je za vrijeme katoličkog Blagdana (Svi sveti), odnosno drugi dan, bila zabrana prolaza kroz tunel, zbog izvođenja radova. Time je onemogućen prolaz kroz tunel građanima. Smatra da se o tome trebalo voditi računa i imati obzira, da se taj dan obezbijedi prolaz kroz tunel, makar do 12 sati.

Predsjedavajući OV izjasnio se da bi po pitanju ovog problema treba donijeti zaključak ili da se ovo odloži, pa da se napravi jedna rezolucija, da se Vijeće na taj način izjasni i sa njom upozna sve subjekte koji mogu uticati na ovakve stvari. Da se pokaže malo više senzibiliteta za neke određene potrebe građana i po mogućnosti izbjegavaju određene vrste radova u tim periodima kad god je to moguće.

U diskusiji su učestvovali i iznijeli svoje prijedloge i mišljenja vijećnici: Ivan Lučić, Mato Pavić, Tajiba Brkić i predsjedavajući OV.

Predsjedavajući OV predložio je slijedeći

#### **Zaključak:**

- **Obavezuje se Općinski načelnik da javne subjekte i javna preduzeća na području općine Vareš, upozna sa potrebom da malo više vode računa i imaju obzira prilikom izvođenja određenih radova u vrijeme blagdana koje obilježavaju pripadnici svih vjeroispovijedi.**

Nakon izjašnjanja vijećnika predsjedavajući OV je konstatovao da je sa **20 glasova „ZA“ usvojen predloženi Zaključak.**

Sjednica je završena u 15 sati i 55 minuta.

**SEKRETAR**

*Leon Pavlović*

**PREDSJEDAVALAČI**

*Josip Malbašić*

**ZAPISNIČAR**

*Azra Ibrahimović*